

MALAYSIA
DEWAN RAKYAT
ATURAN URUSAN MESYUARAT
NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 31 OKTOBER 2013, PUKUL 10.00 PAGI

Bil. 33

PERTANYAAN-PERTANYAAN BAGI JAWAB LISAN

1. PR-1313-L58500
Datuk Ir. Dr. Wee Ka Siong [Ayer Hitam] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan sama ada Kementerian mempunyai perancangan atau pelan induk untuk membangunkan semua kampung baru di negara ini. Berapakah peruntukan yang akan disalurkan kepada semua kampung baru pada tahun 2014 dan apakah mekanisme penyaluran peruntukan.
2. PR-1313-L57172
Dato' Dr. Tan Kee Kwong [Wangsa Maju] minta **MENTERI WILAYAH PERSEKUTUAN** menyatakan jumlah keseluruhan projek *River Of Life* dan bilakah projek ini akan tamat.
3. PR-1313-L58842
Datuk Haji Datu Nasrun bin Datu Mansur [Silam] minta **MENTERI KEWANGAN** menyatakan langkah yang telah diambil oleh kerajaan untuk memperkasakan sistem kewangan Islam sebagai ikonik baharu untuk ekonomi Malaysia serta nyatakan :-
 - (a) berapakah jumlah sumbangan industri kewangan Islam kepada pendapatan negara dari tahun 2003-2013; dan
 - (b) apakah kekangan semasa terhadap perkembangan kewangan Islam di Malaysia.
4. PR-1313-L58528
Tuan Mohamed Azmin bin Ali [Gombak] minta **PERDANA MENTERI** menyatakan apakah agenda Pemerkasaan Ekonomi Bumiputera (PEB) mampu mengurangkan jurang ekonomi dalam masyarakat khususnya ketidaksamaan ekonomi antara kaum termasuk di Sabah dan Sarawak.
5. PR-1313-L57157
Datuk Linda Tsen Thau Lin [Batu Sapi] minta **MENTERI PENGANGKUTAN** menyatakan berapa kos dan komponen kerja menaik taraf Lapangan Terbang Sandakan dan tarikh kerja dijangka siap.

6. PR-1313-L57125
Dr. Izani bin Haji Husin [Pengkalan Chepa] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kerajaan akan memberi bantuan khas kepada semua orang-orang kurang upaya tanpa syarat samada mereka mempunyai pekerjaan ataupun tidak mempunyai pekerjaan.
7. PR-1313-L58192
Datuk Madius Tangau [Tuaran] minta **MENTERI DALAM NEGERI** menyatakan berapakah bilangan pemegang dokumen IMM13 di seluruh negara dan apakah masa depan pemegang-pemegang dokumen tersebut.
8. PR-1313-L57646
Tuan Sim Chee Keong [Bukit Mertajam] minta **MENTERI SAINS, TEKNOLOGI DAN INOVASI** menyatakan jumlah keseluruhan program RazakSat-1 dan RazakSat-2 masing-masing, termasuk kos penyelidikan, penghantaran satelit percubaan, pelancaran satelit ke angkasa lepas, kos operasi dan lain-lain kos berkaitan, dari bumi ke angkasa lepas. Sila berikan pecahan kos tersebut mengikut perkara yang dibelanjakan dan syarikat yang terlibat.
9. PR-1313-L57356
Tuan Haji Ahmad Nazlan bin Idris [Jerantut] minta **MENTERI BELIA DAN SUKAN** menyatakan adakah Kementerian berhasrat untuk membina pusat-pusat sukan termasuk pusat-pusat sukan mini berdasarkan kesesuaian dengan keperluan setempat serta apakah langkah susulan yang bakal diambil untuk mengatasi kekurangan kemudahan sukan terutamanya di kawasan luar bandar.
10. PR-1313-L57257
Laksamana Pertama Haji Mohamad Imran bin Abd Hamid (B) [Lumut] minta **MENTERI KERJA RAYA** menyatakan bilakah jambatan kedua Sultan Yusuf di Batu 5 Teluk Intan ke arah Lumut akan dibina sebagai persediaan mengatasi kesesakan kenderaan pada musim cuti-cuti perayaan. Jika boleh ia didaftarkan dalam projek-projek Rancangan Malaysia Ke-11 (2015-2020).
11. PR-1313-L58670
Datuk Bung Moktar bin Radin [Kinabatangan] minta **MENTERI PENDIDIKAN** menyatakan tentang dasar Kerajaan yang menyalurkan bantuan terhadap Sekolah-sekolah Jenis Kebangsaan yang sekali gus membuka ruang perpecahan di kalangan masyarakat di negara ini.
12. PR-1313-L58562
Tuan Wan Hasan bin Mohd Ramli [Dungun] minta **MENTERI PENDIDIKAN** menyatakan apakah langkah yang telah diambil untuk memperkasakan mata pelajaran Pendidikan Islam di sekolah-sekolah menengah di Malaysia.

13. PR-1313-L57322
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan sama ada benar atau tidak bahawa pengganas di Lahad Datu adalah orang-orang asing yang sudah menetap di negeri Sabah dan memiliki dokumen kewarganegaraan Malaysia. Sekiranya benar, apakah tindakan susulan yang akan dilakukan oleh Kerajaan Persekutuan untuk menyiasat dan menangkap dan mengusir rakyat asing yang memiliki dokumen rakyat Malaysia melalui sindiket haram.
14. PR-1313-L57104
Tuan Ng Wei Aik [Tanjong] minta **MENTERI DALAM NEGERI** menyatakan objektif penubuhan, keanggotaan, modus operandi dan tarikh kelulusan Kementerian Dalam Negeri ke atas penubuhan Tim Elit Kecemasan Sosial Malaysia (MyElite) dan bagaimana ianya dapat digerakkan bagi membantu wakil-wakil rakyat dan agensi-agensi Kerajaan ketika kecemasan.
15. PR-1313-L57982
Dato' Haji Abdul Rahman bin Haji Mohamad [Lipis] minta **MENTERI KEMAJUAN LUAR BANDAR DAN WILAYAH** menyatakan adakah Kementerian akan menambah peruntukan bagi membina jalan-jalan kampung di seluruh kawasan Parlimen Lipis bagi membolehkan rakyat menikmati keselesaan di bawah pemerintahan Kerajaan hari ini.
16. PR-1313-L57293
Tuan Oscar Ling Chai Yew [Sibü] minta **MENTERI DALAM NEGERI** menyatakan sebab di Long Singgut, Baleh Kapit terdapat banyak lagi penduduk tidak mendapat taraf kewarganegaraan. Kebanyakan mereka hanya mendapat pemastautin sementara sahaja. Ini mengakibatkan banyak budak tidak boleh melanjutkan pelajaran mereka ke universiti dan melancong ke luar negara.
17. PR-1313-L58286
Datuk Jumat bin Idris [Sepanggar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) apakah mekanisme pemilihan kelayakan seorang rakyat untuk memiliki rumah di bawah Skim Program Perumahan Rakyat; dan
 - (b) mengapakah tidak ada perbezaan kelayakan pendapatan isu rumah di antara penduduk bandar dan luar bandar untuk memiliki rumah di bawah skim berkenaan sedangkan taraf hidup dan kos sara hidup adalah berbeza.
18. PR-1313-L59028
Puan Siti Zailah binti Mohd Yusoff [Rantau Panjang] minta **MENTERI KEMAJUAN LUAR BANDAR DAN WILAYAH** menyatakan berapakah jumlah rumah rakyat miskin yang dibina dan yang telah dibaiki termasuk projek penempatan semula yang telah dan akan dilaksanakan di Parlimen Rantau Panjang dan seluruh Kelantan.

19. PR-1313-L57603
Datuk Aaron Ago anak Dagang [Kanowit] minta **MENTERI PENDIDIKAN** menyatakan langkah-langkah yang akan diambil oleh Kerajaan bagi meningkat dan memenuhi kuota bagi pengambilan pelajar dari Sarawak terutamanya kaum Dayak ke pengajian tinggi di dalam dan luar negara.
20. PR-1313-L58378
Dato' Dr. Nik Mazian bin Nik Mohamad [Pasir Puteh] minta **MENTERI PERTANIAN DAN INDUSTRI ASAS TANI** menyatakan maklumat tentang pembangunan industri akuakultur di negara kita dan apakah usaha yang dilakukan untuk membantu pengusaha Bumiputera dalam sektor ini.
21. PR-1313-L57803
Dato' Abd. Aziz bin Haji Sheikh Fadzir [Kulim Bandar Baharu] minta **PERDANA MENTERI** menyatakan apakah ciri-ciri sesuatu kawasan yang membolehkan projek PR1MA dibina.
22. PR-1313-L57720
Tuan Seah Leong Peng [Telok Intan] minta **MENTERI PELANCONGAN DAN KEBUDAYAAN** menyatakan mengapa bangunan yang mempunyai nilai sejarah dan ciri unik dalam seni binaannya tidak dibaik pulih dan terbiar. Apakah tidak ada peruntukan untuk mengekalkan bangunan ini dan dijadikan tarikan pelancong.
23. PR-1313-L58261
Dato' Sri Liow Tiong Lai [Bentong] minta **MENTERI BELIA DAN SUKAN** menyatakan langkah-langkah yang diambil untuk memperbaiki padang Stadium Bukit Jalil yang semakin merosot kualitinya sehingga tidak dapat digunakan untuk perlawanan persahabatan antara Barcelona dan Malaysia XI.
24. PR-1313-L58351
Tuan Haji Khalid bin Abdul Samad [Shah Alam] minta **MENTERI KERJA RAYA** menyatakan status pembinaan Hospital Shah Alam dan kos keseluruhan pelaksanaan projek hospital ini.
25. PR-1313-L58271
Dato' Ikmal Hisham bin Abdul Aziz [Tanah Merah] minta **MENTERI PENDIDIKAN** menyatakan apakah langkah-langkah yang dilakukan oleh Kementerian bagi memastikan proses pemindahan guru khususnya yang melibatkan suami isteri tidak dilihat sebagai satu penganiayaan.
26. PR-1313-L58745
Tuan Loke Siew Fook [Seremban] minta **MENTERI KEWANGAN** menyatakan secara terperinci kutipan cukai pertaruhan daripada setiap syarikat *Number Forecast Operator* (NFO) mengikut tahun 2008, 2009, 2010, 2011 dan 2012.

27. PR-1313-L58583
Dato' Noraini binti Ahmad [Parit Sulong] minta **MENTERI PENDIDIKAN** menyatakan status pelaksanaan MBMMBI dalam usaha memartabatkan bahasa Malaysia dan memperkukuhkan bahasa Inggeris di kalangan pelajar sekolah.
28. PR-1313-L57543
Dato' Fauzi bin Abdul Rahman [Indera Mahkota] minta **PERDANA MENTERI** menyatakan langkah-langkah JAKIM dalam memantapkan akidah umat Islam supaya serasi dengan akidah Ahli Sunnah Wal Jamaah, dan apakah langkah-langkah yang diambil agar generasi muda umat Islam memahami Al-Quran yang merupakan sumber kemantapan akidah.
29. PR-1313-L58187
Dato' Seri Tiong King Sing [Bintulu] minta **MENTERI KESIHATAN** menyatakan :-
- (a) sejauh manakah pihak Kementerian terpaksa bergantung kepada doktor pakar dari luar negara di dalam pengisian kekurangan doktor pakar tempatan di hospital-hospital di seluruh negara; dan
 - (b) apakah langkah-langkah Kementerian dalam memastikan kualiti pengambilan doktor pakar dari luar negara terjamin.
30. PR-1313-L59111
Tuan Karpal Singh [Bukit Gelugor] minta **PERDANA MENTERI** menyatakan bilangan petisyen-petisyen pengampunan yang berkaitan dengan hukuman mati yang masih belum selesai di Lembaga-lembaga Pengampunan di negara ini sehingga pada 30 September 2013.
31. PR-1313-L58696
Dr. Ong Kian Ming [Serdang] minta **MENTERI KEWANGAN** menyatakan jumlah hutang untuk syarikat 1MDB.
32. PR-1313-L57540
Tuan Lim Kit Siang [Gelang Patah] minta **MENTERI KOMUNIKASI DAN MULTIMEDIA** menyatakan apa pengajaran yang dapat dipelajari daripada kegagalan dari segi kewangan dan tontonan filem Tanda Putera.
33. PR-1313-L58352
Tuan Tony Pua Kiam Wee [Petaling Jaya Utara] minta **MENTERI DALAM NEGERI** menyatakan sama ada Syarikat Surewin4U.com ditubuhkan oleh seorang Tengku Dato' Peter Ong yang menjalankan perniagaan "*direct sales*" dan "*network enterprise*" menjual penipuan "*casino realization system*" (sistem menang dalam perjudian kasino) telah disiasat dan tindakan yang akan diambil.

34. PR-1313-L57254
Dato' Seri Anwar bin Ibrahim [Permatang Pauh] minta **MENTERI PENDIDIKAN** menyatakan kewajaran pembayaran RM20 juta kepada syarikat perundingan McKinsey & Co. untuk merangka Pelan Pembangunan Pendidikan Malaysia dan pembayaran RM dan sejauh mana negara mengalami ketandusan kepakaran dalam bidang yang disumbangkan perunding tersebut.
35. PR-1313-L57825
Datuk Nur Jazlan bin Mohamed [Pulai] minta **PERDANA MENTERI** menyatakan jumlah konsultan yang sudah dilantik PEMANDU termasuk daripada dalam dan luar negara serta berapakah jumlah bayaran yang diterima mereka dalam memberikan khidmat kepada PEMANDU.
36. PR-1313-L58747
Tuan Haji Zainudin bin Ismail [Jelebu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan bilangan syarikat jualan langsung yang memohon lesen dengan Kementerian dan kriteria yang ditentukan oleh Kementerian terhadap syarikat jualan langsung bagi memastikan tiada unsur-unsur penipuan yang berlaku.
37. PR-1313-L58494
Datuk Ir. Dr. Wee Ka Siong [Ayer Hitam] minta **MENTERI PENDIDIKAN** menyatakan fungsi dan peranan Syarikat Education Malaysia Global Services (EMGS) dalam menguruskan visa pelajar asing yang menuntut di Malaysia:-
- (a) apakah rasional syarikat tersebut menjalankan perniagaan secara monopoli; dan
 - (b) berapa kenaikan kadar bayaran visa pelajar asing selepas EMGS mengambil alih dan adakah semua bayaran itu dimasukkan ke dalam akaun Kerajaan.
38. PR-1313-L57905
Datuk Wira Haji Ahmad bin Hamzah [Jasin] minta **PERDANA MENTERI** menyatakan peranan Kerajaan mengaktifkan pasaran wakaf secara profesional memandangkan Malaysia dikenali sebagai hub utama peneraju sektor kewangan Islam Antarabangsa dengan memiliki pelbagai produk dan perkhidmatan.
39. PR-1313-L58312
Tuan Wong Sze Phin @ Jimmy [Kota Kinabalu] minta **PERDANA MENTERI** menyatakan bilakah kajian semula akan diadakan mengenai Perjanjian Malaysia yang sepatutnya diadakan sepuluh tahun selepas 1963. Apakah tindakan kerajaan untuk memulihkan status Sabah dan Sarawak yang telah kehilangan keistimewaan sebagai rakan kongsi (*equal partner*).
40. PR-1313-L58713
Tuan Lim Lip Eng [Segambut] minta **MENTERI DALAM NEGERI** menyatakan definisi jumlah 40,313 rakyat Malaysia yang dikatakan ahli kongsi gelap. Mengapa jumlah 40,313 orang tersebut masih tidak ditangkap.

41. PR-1313-L58055
Dr. Mansor bin Abd Rahman [Sik] minta **MENTERI KESIHATAN** menyatakan adakah Kementerian mempunyai cadangan supaya jururawat yang memiliki ijazah diberi kenaikan pangkat secara lantikan (KPSL) berbanding kenaikan pangkat secara lantikan baru seperti yang diamalkan oleh Kementerian kesihatan sekarang yang mana ini akan merugikan jururawat tersebut terutama yang telah berkhidmat lebih daripada 10 tahun. (penurunan daripada segi gaji dan jumlah cuti tahun dari 35 ke 25 hari).
42. PR-1313-L58527
Tuan Chong Chieng Jen [Bandar Kuching] minta **MENTERI PENDIDIKAN** menyatakan apakah jumlah dan peratusan perbelanjaan pembangunan yang diperuntukkan untuk kementerian Pendidikan dalam tahun 2010, 2011, 2012 dan 2013 adalah diperuntukkan untuk sekolah-sekolah di luar bandar Sarawak. Sila senaraikan nama-nama sekolah tersebut.
43. PR-1313-L57805
Tuan Er Teck Hwa [Bakri] minta **PERDANA MENTERI** menyatakan berapakah jumlah individu yang telah diisytiharkan sebagai bankrap, berapakah jumlah yang telah ditarik balik pengisytiharan bankrap, berapakah jumlah individu yang berpotensi menjadi bankrap mengikut kawasan, umur dan jantina setiap tahun dari tahun 2008-2013.
44. PR-1313-L57749
Tuan Haji Hasbi bin Haji Habibollah [Limbang] minta **MENTERI DALAM NEGERI** menyatakan dapatkah pihak Kerajaan menyatakan bilangan tangkapan dan tindakan mahkamah ke atas mereka yang ditangkap semasa Operasi Cantas yang telah dibuat di Limbang.
45. PR-1313-L57617
Tuan Sim Tze Tzin [Bayan Baru] minta **MENTERI PELANCONGAN DAN KEBUDAYAAN** menyatakan apakah perancangan Visit Malaysia Year 2014 sehingga kini. Berapakah jumlah perbelanjaan untuk perancangan, aktiviti promosi program Visit Malaysia Year 2014 sehingga sekarang. Berapakah belanja penjenamaan yang diperuntukkan untuk VMY2014.
46. PR-1313-L57571
Datuk Hajah Norah binti Abd Rahman [Tanjong Manis] minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan dapat menyediakan tapak dan bangunan di Tanjong Manis untuk rakyat yang mengusahakan produk industri kecil supaya hasil mereka seperti makanan ringan, kerepek, kuih kuih, udang kering dan lain lain mendapat pengiktirafan sijil halal, HACCP dan standard GMP untuk ke pasaran.
47. PR-1313-L58886
Datuk Johari bin Abdul Ghani [Titiwangsa] minta **MENTERI DALAM NEGERI** menyatakan berapakah jumlah jenayah senjata api yang direkodkan bermula Januari hingga Ogos 2013. Dan berapakah daripada jumlah kes ini, telah diselesaikan.

48. PR-1313-L58900
Tuan Zairil Khir Johari [Bukit Bendera] minta **MENTERI PERTANIAN DAN INDUSTRI ASAS TANI** menyatakan status serta kos yang diperuntukkan dan yang telah dibelanja bagi projek peningkatan jeti LKIM di Tanjong Tokong, Pulau Pinang.
49. PR-1313-L58240
Tuan Tan Kok Wai [Cheras] minta **PERDANA MENTERI** menyatakan apakah ciri-ciri buruk di dalam NEP yang seharusnya dipinda demi menambah baik struktur ekonomi negara dan mendorong daya saing yang lebih tinggi.
50. PR-1313-L59005
Dato' Sri Azalina binti Dato' Othman Said [Pengerang] minta **PERDANA MENTERI** menyatakan :-
- (a) apakah kadar peningkatan penggunaan perkhidmatan KTM Komuter sejak implementasi pengurangan tambang sebanyak 50% susulan Bajet 2012 kepada semua rakyat tanpa mengira umur atau pendapatan; dan
 - (b) apakah diskaun tambang ini dapat diperluaskan kepada perkhidmatan LRT dan MRT (yang bakal akan dilancarkan) serta bas-bas di bawah milikan Syarikat Prasarana Negara Berhad untuk mengurangkan lagi beban perbelanjaan warga bandar.
51. PR-1313-L57577
Tuan Hee Loy Sian [Petaling Jaya Selatan] minta **MENTERI PERTAHANAN** menyatakan jumlah juruterbang dan jurusensor senjata untuk Mig-29N/NUB, Su-30MKM, F-18D dan Hawk 108/208. Apakah status dan keberkesanan latihan diberi oleh juruterbang India dalam operasi Su-30MKM.
52. PR-1313-L57969
Puan Kasthuriraani a/p Patto [Batu Kawan] minta **MENTERI KEWANGAN** menyatakan hasil kutipan cukai dan pendapatan bagi import-eksport minuman beralkohol dan tembakau dari tahun 2000 sehingga 2013.
53. PR-1313-L58571
Dato' Kamarudin bin Jaffar [Tumpat] minta **MENTERI PELANCONGAN DAN KEBUDAYAAN** menyatakan adakah Kementerian bercadang untuk menjadikan keretapi dan stesen keretapi sebagai tarikan pelancongan selain daripada Orient Express yang sedia ada.
54. PR-1313-L58463
Tuan Chua Tian Chang @ Tian Chua [Batu] minta **MENTERI SUMBER ASLI DAN ALAM SEKITAR** menyatakan apakah langkah-langkah dan kriteria yang diperlukan untuk menubuhkan sebuah kilang simen. Adakah kilang simen YTL yang berpangkalan di Sentul memenuhi semua kriteria ini. Bilakah kali terakhir Kementerian menilai semula kilang simen ini. Adakah kilang ini diluluskan oleh NIOSH.

55. PR-1313-L57765
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KEWANGAN** menyatakan jumlah keseluruhan caj, komisen dan fi yang telah atau bakal dibayar kepada bank pelaburan terutamanya Golden Sachs sebagai pengatur atau penasihat bagi semua transaksi korporat Syarikat 1Malaysia Development Berhad sejak penubuhan syarikat itu.
56. PR-1313-L57841
Datuk Ahmad Jazlan bin Yaakub [Machang] minta **PERDANA MENTERI** menyatakan langkah Kementerian untuk membantu pengusaha pengangkutan awam bagi mengatasi kerugian kesan pengurangan subsidi diesel dan petrol supaya mereka tidak menaikkan caj perkhidmatan dan logistik sehingga membebankan orang awam.
57. PR-1313-L57523
Puan Alice Lau Kiong Yieng [Lanang] minta **MENTERI DALAM NEGERI** menyatakan masa yang biasa diperlukan oleh Kementerian untuk menyiasat satu kes yang dilaporkan di balai polis mengenai laman web yang memfitnah seseorang atau memburukkan nama baik seseorang. Apakah tindakan yang akan dikenakan kepada pemilik laman web tersebut.

ATURAN URUSAN MESYUARAT DAN USUL-USUL

1. (D.R. 21/2013) **Rang Undang-undang Perbekalan 2014 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(30 Oktober, 2013)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (30 Oktober, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |

- | | | | |
|-----|----------------|--|---|
| 6. | (D.R. 18/2013) | Rang Undang-undang Pertaruhan Pool
(Pindaan) 2013 | “ |
| | | [Menteri Kewangan] | |
| 7. | (D.R. 15/2013) | Rang Undang-undang Lambang dan Nama
(Mencegah Penggunaan Tak Wajar)
(Pindaan) 2013 | “ |
| | | [Menteri di Jabatan Perdana Menteri] | |
| 8. | (D.R. 10/2013) | Rang Undang-undang Kanun Tatacara
Jenayah (Pindaan) 2013 | “ |
| | | [Menteri di Jabatan Perdana Menteri] | |
| 9. | (D.R. 12/2013) | Rang Undang-undang Keterangan
(Pindaan) 2013 | “ |
| | | [Menteri di Jabatan Perdana Menteri] | |
| 10. | (D.R. 19/2013) | Rang Undang-undang Fi (Jabatan Muzium
Malaysia) (Pengesahan) 2013 | “ |
| | | [Menteri Pelancongan dan Kebudayaan] | |
| 11. | (D.R. 20/2013) | Rang Undang-Undang Dadah Berbahaya
(Pindaan) 2013 | “ |
| | | [Menteri Kesihatan] | |

12. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar.

Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

“Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden.”

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

“Bahawa Dewan ini mendebatkan dasar dan langkah untuk menangani kemalangan jalan raya di negara ini.”

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
ST.54	Laporan Tahunan dan Penyata Kewangan Perbadanan Pembangunan Perdagangan Luar Malaysia (MATRADE) Bagi Tahun 2012	31 Oktober 2013